

ԽՄԲԱԳՐԱԿԱՆ

ԱՅՍ ՕՐԸ

Ժամանակի մասին խորհրդածելը յուրաքանչյուր մարդու բնական վիճակն է։ Անկախ որևէ դեպքից կամ առիթից մարդն ակամայից հաճախ է անդրադառնում իր ապրած կյանքին, ցանկանում վերաբժնորել և փորձում սրբագրել սխալները, իմաստավորել այն, ինչ որ Ավետարանի լեզվով կոչվում է «համար տնտեսութեան», հայացք է նետում անցյալի վրա, ձգտում այն ներդաշնակել ներկային և զինավորվել՝ դիմագրավելու գալիքի անհայտները։ Ժամանակի անեղ տիրապետության հետ հարաբերության մեջ լինելով, մարդն իր հախտուն և փոթորկոտ խառնվածքով ձգտել է ըմբոստանալ այդ ամենազոր և անսպառ ուժի դեմ, ճզմել հնազանդեցնել նրան և նաև այստեղ հաստատել իր մարդկային իշխանությունը։ Իսկ ժամանակը լուռ համածայմվել է այդ տվյալտանքներին...

Չլինելով արարչագործության հեղինակն ու կարգավորողը, մարդը բանականությամբ փորձել է նաև իր հնազանդեցնող պարանմն օղակել անսահման տիեզերքի պարանոցին՝ ոչ թե ընդառաջ գնալով, այլ տիեզերքը դեպի իրեն ձգելով, իսկ հետզհետե մոտեցող քայլերի տարածությունն ամփանել ժամ, րոպե, վայրկյան... և այդ հանդիպման ու ներդաշնակման կետը կոչել Նոր Տարի կամ Տարեմուտ։ Այս ձգտումը մարդու աստվածադիր ներաշխարհից բխող վերաբերմունքն է՝ ուղղված դեպի նորն ու նորոգությունը, այն դարձնելով իր համար միախառնության, սփոփումի, արժևորումի, գնահատումի, դադարի և ապա նոր ուժով աշխատանքի մի ցանկալի առիթ։

Արարածի կողմից այս որոնմանը չուշացավ նաև Արարչի պատասխանը՝ իր Միածին Որդուն պարզենելով աշխարհին։ Արարածի կողմից ստեղծագործած Նոր Տարին կատարելացավ Արարչից ընծայված Նոր Դարով։

Ս. Ծննդյան սքանչելի ավետիսն է դա, որ հրեշտակների երկնային մեղեդիով և պարզ հովիվների վկայությամբ հնչում է մինչև այսօր։ Բեթղեհեմյան մսուրի երկնքում ճառագած Աստղը ահա երկու հազար տարիներ ի վեր երբևէ կանգ չառավ և շարունակում է ճառագայթել։ Այն իր թևերը տարածել է աշխարհի չորս ծագերը, բայց դրանից առավել ուղղել մեր ներաշխարհը, Աստվածորդու Ծնունդով աստվածորդուն ծնելու՝ «Աստված մարդացավ, որպեսզի մարդն աստվածանա» (Աթանաս Ալեքսանդրացի)։ Մեծ է Բեթղեհեմի փոքրիկ ու անշուք մսուրում կատարվածի խորհուրդն ու փալը։ Աստուծո այս ընդառաջումը ամեն ինչից առավել նոր ստածողության ու նոր կյանքի սկզբնավորումը եղավ, որը մեր Տերն Ինքն իսկ նշանավորեց՝ ասելով. «Ես եկա, որ կյանք ունենան և առավել ևս ունենան»։

Այս պահին մենք չենք ուզում ո՛չ վերացական, մտահայեցողական վերլուծումներ կատարել ժամանակի և տարածության ու ո՛չ ճառել քրիստոնեության գաղափարական վեհության ու քարոչական կատարելության մասին։ Այլ պարզապես Գարեգին Ա Վեհափառի Ս. Ծննդյան պատգամում հնչած խոսքով ասած «Աստված մեզի հետ է այսօր։ Սա ինձ համար և վստահ եմ՝ ձե՛զ համար կենդանի հավատք է, մեր քույրի գոյությանը հետ շաղախված համոզում է և

ապրում միանգամայն: Աստուծո մեզ հետ ըլլալու գիտակցությունը առավել ևս ուժեղ և ներգործոն կդառնա մեր մեջ երբ մենք հասուն ճիգով քանանք մեր գերազույց կարելին ընել որպեսզի մենք ըլլանք Աստուծո հետ»:

Հիսուս ծնվեց մարգարեական այն կանխասացությամբ, որ պիտի «ծնվի խաղաղության իշխանը», որ «Նրա անունը պիտի լինի Էմմանուել՝ այսինքն Աստված մեզ հետ է», որ պիտի լինի «երկրում խաղաղություն, մարդկանց մեջ հաճություն» և սիրո ամսահմանություն: Մարդը սպասում էր այս հաստատումներին:



Առաջին հայացքից թվում է, թե մեր Տիրոջ առաքելությունը չհաջողվեց, որովհետև այսօր էլ պատերազմներն ու անհաստությունները շարունակվում են, երկիր մոլորակի վրա գրեթե չկա մի անկյուն, որտեղ չթևածեն սպանությունն ու ինքնասպանությունը, դավաճանությունը, ատելությունը, անարդարությունը, սովը, աղքատությունը, գործազրկությունը և այլ չարիքներ ու դժբախտություններ: Հակառակ գիտական բոլոր նվաճումների, քաղաքակրթության և մարդկային մտքի հետզհետե նորանոր գյուտերի, այդ բոլորը չեն դադարում: Մարդն այսօր ևս սպասում է, բայց ինչպե՞ս: Մի՞թե Աստված իր ամենագոր գիտությամբ չգիտեր, որ հենց այսպես էլ լինելու է: Գիտե՞ր և ճիշտ այդ պատճառով էլ Հաղորդական չցամաքող սիրով այս անգամ վճռական կերպով միջամտեց մարդկության կյանքին՝ իր Միածին Որդուն պատարագելով նրա համար: Մեր Տերը մարդեղության օրերին իսկ ներքին ցավ և տառապանք էր ապրում ոչ միայն այդ ժամանակի, այլև ապագայի համար, մինչև անգամ արտասովոր աստիճան: Վկայում է Հովհաննես Ավետարանիչը. «Ժատերը հավատացին Նրա անունով, քանի որ տեսնում էին այն նշանները, որ կատարում էր: Բայց Հիսուս չէր հավատում նրանց... որովհետև կարիք չկար որ որևէ մեկը վկայեր մարդու մասին, քանի որ ինքն արդեն իսկ գիտեր, թե ինչ կար մարդու մեջ» (Հովհ. Բ 23-25): Այսուհանդերձ Նա գնաց դեպի գոհաբերության բարձրունքը, նվիրեց իրեն խաղաղության և սիրո հաստատմանը և այդ խաչի ճանապարհին բարձրադասակ հրավիրեց բոլորին՝ ասելով, թե «Դեպի ինձ եկեք բոլոր հոգնածներդ ու ծանրաբեռնվածներդ, և ես հանգիստ կպարգևեմ ձեզ»: Դարձյալ Աստված է առաջին քայլն անողը, և մենք՝ դեռ սպասողները: Պատկերավոր կերպով սա նման է այն վիճակին, երբ քաղցած և սովահար մտած ես խնջույքի սեղանի առջև ու չես ճաշակում և դեռ մեղադրում ես մահ, թե ինչո՞ւ քեզ հյուրասիրողը չի ուտում քո փոխարեն և եթե մույնիսկ սկսի ուտել, այս անգամ դժգոհում ես, թե ինչո՞ւ ես չեմ հագնվում: Այսօր այդ խնջույքի սեղանը իր անանցելի ուտեստեղեններով՝ հավատք, հույս, սեր, խաղաղություն, բացված է մեր առջև: Կրավորական կեցվածքով չարհամարհենք, այլ ներգործում մասնակցությամբ սնվենք, սնունդ տալու համար:

Անցավ ևս մեկ տարի, վերստին ունկնդիր եղանք հրեշտակների Ս. Ծննդյան ավետիսին, հովիվների հետ զարմացած ու հիացած հետևեցինք Աստղի ծագմանը, սակայն մոգերի պես երկրպագեցի՞նք ու ընծայաբեր եղա՞նք Աստուծո մեզ հետ լինելությունը վկայող Մանկան մսուրի առջև: Այսօր հերթը մերն է Աստուծո հետ լինելու:

Անցյալ տարին, սակայն, չի սահմանափակվում միայն անցյալ տարով: Այն իր մեջ բովանդակում է ամբողջ 1996 տարիները՝ իր լավ ու վատ կողմերով: Եւ տարիների շղթայական փոխանցումը դառնում է պարզապես ներկայի արձանագրությունը՝ այսինքն քեզ բաժին հասած ժամանակահատվածում ինչպես ես

վերաբերվել նախորդների թողած ժառանգությանը: Ուրեմն այսօր մեր ուսերին է ծանրացած ոչ միայն անցնող տարին, այլ անցած շուրջ 2000 տարիները: Ներկայիս կյանքի մարտահրավերներն ու դժվարությունները սոսկ անցյալ տարվան չեն պատկանում: Ունենք եկեղեցական ու պետական լուծման կարոտ քաղաքապետական: Այստեղ չենք ուզում մտնել մանրամասնությունների մեջ քննարկելու առաջադրված հարցերի պատմական պատճառները, վերլուծել դրանք և ընդհանուր գծերով ներկայացնել այն, ինչ քաղաքապետական մեծագույնը ներկայացվել է: 1997-ը նկատենք որպես այդ բոլորի մեզ հետ հանդիպման վայրը, դեմ հանդիման զգացն անցյալին և ձգտենք այս տարին ոչ թե սոսկ ավելացնել, այլ դարձնել կրողն ու ուսամբարձը նախորդ տարիների:



Այս բոլորի իրականացնողը երկրից դեպի երկինք վերելության դարձավ Եկեղեցին ընդհանրապես, և մեր կյանքում մեր դիմագիծն ու տեսքն ստացած Հայ Եկեղեցին: Այն վերածվեց մի պատվարի բոլոր երևելի ու աներևույթ թշնամիների դեմ, լինելով մի խաղաղ նավահանգիստ զանազան խոռվաճուղի ասպրումների:

Այսօր դեպի 1700-ամյա երիտասարդացող հնությունը գնացող Հայ Եկեղեցին է կանգնած մեր առջև Մայր Աթոռ Սուրբ Էջմիածնով: Այժմ մե՛նք ենք պատասխանատուն նրա թե՛ տկարության և թե՛ հզորացման:

Եվ Մայր Աթոռիս միաբանությունը, ի գլուխ ունենալով Գարեգին Ա Ամենայն Հայոց Հայրապետը, լծված է այս Ս. Ծնունդը իրական վերածնունդի վերածելու տրազան առաքելության:

Այսօր Ս. Ծննդյան քաղցրադողանք հավիտենական մոր պատգամը խառնելով մեր կյանքին լքողներն, որ այն վերածվի հեռավոր Բեթղեհեմում տեղի ունեցած ինչ-որ դեպքի, այլ ըմբռնենք, որ «Արարչագործության ժամանակ արարվեցին Աստծո պատկերով, իսկ այսօր մի ենք նրա հետ, այն ժամանակ Աստված հրամայեց տիրել երկրին ու կենդանիներին, իսկ այսօր քարծրացրեց մեզ երկնքից էլ վեր, այն ժամանակ որպես բնակության վայր դրախտը պարզեց, իսկ այսօր՝ երկինքը բացեց, այն ժամանակ մարդն արարվեց վեցերորդ օրը, որով և պիտի ավարտվեր արարչագործությունը, իսկ այսօր ծնվեցինք առաջին օրը՝ ինչպես լույսն էր ամեն ինչից առաջ» (Հովհ. Ոսկեբերան):

Կյանքի այս վազքարշավի մեջ պահն է թոթափվելու դադարի, վերագտնելու և փայլեցնելու համար կամաց-կամաց տեղատվություն ասպրող իրական արժեքները: Պահն է մեր ձեռքը մեկնելու դեպի մեզ երկարած Աստուծո ձեռքը:

Ծանուցում. - «Էջմիածին» ամսագրի խմբագրությունը Հայցում է ներողամտությունը իր բոլոր ընթերցողներին ամսագրի այսօրվա ուղի հրատարակության համար:

Հայտնում ենք, որ այս պարագան կապված լինելով ինչ-ինչ դժվարությունների և նոր ձևավորված խմբագրակազմի աշխատանքների կազմակերպման հետ, Վեհափառ Հայրապետի բարձր տնօրինությամբ և նախաձեռնությամբ Հովհաննես Բարձրապետության իր լուծումը գտել է և մենք այլևս դժգոհ չենք թողնի մեր ընթերցողներին: Այսու մեր ցանկությունն է նաև «Էջմիածին»-ը դարձնել մեր ժողովրդի բոլոր զավակների՝ ամենաազնիվ միջին ամենաբարձր խավերի հարազատ ամսագիրը, որի համար հաճելի և ոգտակար կլինեն լսելու բոլորի մայրը, դիտողությունները, առաջարկները, նկատառումները և վերաբերմունքը թե՛ ամսագրի և թե՛ այսօրվա զանազան հարցերի մասին: